



DEBAGOIENEO MANKOMUNITATEA

IURRETAKO EMAKUMEEN BIRA ZIKLISMO KIROL ELKARTEAK ANTOLATUTAKO "EMAKUMEEN EUSKAL BIRA" PROBAREN ETAPA BAT 2016, 2017, 2018 ETA 2019 URTEETAN DEBAGOIENEO HERRIETAN EGITEKO LANKIDETZA HITZARMENA

Arrasaten, 2016ko apirilaren 8an.

AGERTU DIRA

Alde batetik, UNAI ELKORO OIANGUREN, DEBAGOIENEO MANKOMUNITATEko lehendakaria, aipatu Mankomunitatearen izenean eta ordeztuz, 2016ko martxoaren 8an Gobernu Juntak hartutako erabakiaren arabera.

Bestetik, FRANCISCO TORREGROSA GARCIA jauna, IURRETAKO EMAKUMEEN BIRA ZIKLISMO KIROL ELKARTEko lehendakaria, aipatu elkartearen izenean eta ordeztuz; elkarte honen helbidea Zubiaurre, 2-behea, Iurreta (Bizkaia) da, eta Euskal Autonomia Erkidegoko Kirol Erakundearen Erregistroan CD0004061 zenbakiarekin inskribatuta dago.

ADIERAZTEN DUTE

Iurretako Emakumeen Bira Ziklismo Kirol Elkarteak urtero, "EMAKUMEEN EUSKAL BIRA" izeneko proba antolatzen du.

Proba hau "emakumea eta kirola" sustatzen dituen ekimen bat da, bailarako gazteei emakumezko nazioarteko kirolari profesionalak gertutik ezagutzeko aukera ematen die eta erreferenteak eskaintzen dizkie.

Nazioarte mailako lasterketa da emakumeen txirrindularitza arloan, sona handikoa, kirol praktika eta ikuskizuna.

Ekintza honen bitartez, eragilearen arteko inplikazioa sustatu eta diskriminazioari aurre egiteko berdintasunaren aldeko urratsak ematen dira, guztion alde.

Hau, guztiagatik, Debagoieneko Mankomunitateak interesa du 2016, 2017, 2018 eta 2019 urteetan proba honen etapa bana Debagoiengan egiteko.

Azaldutakoaren arabera, bi aldeek, elkarri gaitasun osoa aitortzen diotelarik ekitaldi honetarako eta adostasun osoz, ondorengo klausulen arabera Hitzarmen hau izenpetzen dute.



Marroa Etorbidea, 17 20500 ARRASATE-MONDRAGON (GIPUZKOA)

Tel.: 943793399 Faxa: 943770854

debagoiena@debagoiena.net

www.debagoiena.com



KLAUSULAK

1.- Hitzarmen honen helburua da Iurretako Emakumeen Bira Ziklismo Kirol Elkarteak antolatutako "EMAKUMEEN EUSKAL BIRA" probaren etapa bat Debagoieneko herriren batean egitea 2016, 2017, 2018 eta 2019 urteetan, ondorengo xehakapenaren arabera:

- 2016an: Eskoriatzan.
- 2017an: Antzuolan.
- 2018an: Aretxabaletan.
- 2019an: Oñatin.

2.- 2016ko gastua 9.000,- €-koa izango da. eta hurrengo hiru urteetako, 2017, 2018 eta 2019, beti ere froga WORLD TOUR zirkuituaren barruan badago, 12.000 €-koa, urte bakoitzeko.

Debagoieneko Mankomunitateak Iurretako Emakumeen Bira Ziklismo Kirol Elkarteari honela ordainduko dio urtero aipatu zenbatekoa: %50a apirilaren 1a baino lehen, eta beste %50a maiatzaren 15a baino lehen.

3.- Urteko zenbateko hau honela banatuko da Mankomunitateko Udalen artean:

- Etapa egiten den herriko udalak: 4.500 € 2016an, eta 6.000,- €uro, beti ere froga WORLD TOUR zirkuituaren barruan badago, hurrengo hiru urteetan.
- Beste udalen artean: 4.500 € 2016an, eta 6000€ 2017an, 2018an eta 2019an, beti ere froga WORLD TOUR zirkuituan barruan badago, honela banatuta:
 - Tarteko helmuga (meta bolantea) duen herriko Udalak: 1.000 € 2016an, eta 1500 € hurrengo hiru urteetan, beti ere froga WORLD TOUR zirkuituaren barruan badago.
 - Gainerakoa herri bakoitzeko biztanleen arabera banatuta, tarteko helmuga duena barne.

4.- Iurretako Emakumeen Bira Ziklismo Kirol Elkarteak koloretako hiru orrialde utziko dizkio Debagoieneko Mankomunitateari probaren ibilbide-liburuan. Fotolitoak eta kartelean ipintzeko logotipoak Debagoieneko Mankomunitateak eman beharko ditu.

5.- Debagoieneko Mankomunitateak probaren aurkezpen ofizialean parte hartu ahal izango du, eta baita probaren inguruan egingo diren protokolo ekintza guztietan ere.

6.- Iurretako Emakumeen Bira Ziklismo Kirol Elkarteak lau metro hesi utziko dizkio Debagoieneko Mankomunitateari Irteeran eta beste lau metro Helmugan, Mankomunitateak emandako publizitatea aipatu Kirol Elkarteak jartzeko.

7.- Iurretako Emakumeen Bira Ziklismo Kirol Elkarteak konpromisoa hartzen du etapen laburpenak emateko hainbat telebista-kanaletan. Halaber, probaren zatiak zuzenean emango dituzte telebista kate publikoek eta lurraldeko beste kate pribatu batzuek.





8.- Iurretako Emakumeen Bira Ziklismo Kirol Elkarteak bermatu egiten dio Debagoieneko Mankomunitateari 900,00 euroko publizitate tarte bat izango duela GARA egunkarian urte bakoitzean. Publizitate hau etapa egiten den urte bakoitzean egin behar da, eta ez du inolako eraginik izango Mankomunitateak aipaturiko egunkarian egin ohi duen publizitatean.

9.- Iurretako Emakumeen Bira Ziklismo Kirol Elkarteak egun bakoitzari dagokion trofeoa emango du, eta Debagoieneko Mankomunitateak erabakiko duelarik nork entregatzen duen trofeoa.

2017tik 2019ra bitarteko edizioetan, urte baten lasterketaren azken etapa Debagoieneko Udalerrri batean izango da. Arestian aipatzen diren baldintzetan, hau da, ez du izango inongo koste gehigarririk.

Eta adostasunaren adierazgarri, bi aldeek Hitzarmen honen bi ale izenpetu dituzte goian aipaturiko lekuan eta egunean.

IURRETAKO EMAKUMEEN BIRA
ZIKLISMO KIROL ELKARTEA

Francisco Torregrosa García

DEBAGOIENENKO MANKOMUNITATEA

Unai Elkoro Oianguren